



SLUŽBENI GLASNIK OPĆINE ŽIVINICE

GODINA LV

21. FEBRUAR 2019. GODINE

BROJ 5

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj: 01/3-05-312/2019
Dana: 24.01.2019.godine

Na osnovu člana 22.,23.,25. i 26. Zakona o prostornom planiranju i korištenju zemljišta na nivou Federacije BiH („Službene novine Federacije BiH“, broj 2/06., 72/07., 32/08., 4/10., 13/10. i 45/10.) člana 37.,38.,40.,41.,42.,43.,44.,45.,46.,47.,48., i 49. . Zakona o prostornom uređenju i građenju („Službene novine TK“, broj 6/11.) i člana 69.,70.,71., i 72. uredbе o jedinstvenoj metodologiji za izradu planskih dokumenata („Sl. Novine Federacije BiH“ broj: 63/04, 50/07, i 84/10) i člana 24. tačka 5. Statuta Općine Živinice („Sl. Glasnik Općine Živinice“, broj: 4/2012) i na osnovu Odluke o pristupanju izradi Urbanističkog projekta „Gradska pijaca“ Živinice, donesene na sjednici Općinskog vijeća Živinice dana 29.03.2018. godine, Općinsko vijeće na svojoj sjednici od 24. 01.2019. godine donosi

ODLUKU

O USVAJANJU URBANISTIČKOG PROJEKTA „GRADSKA PIJACA“ ŽIVINICE

Član 1.

Donosi se odluka o usvajanju URBANISTIČKOG PROJEKTA „GRADSKA PIJACA“ Živinice (u daljem tekstu „Projekat“).

Član 2.

Ovom odlukom utvrđuju se uslovi korištenja, uređenja i zaštite prostora na zemljištu obuhvaćenim Urbanističkim projektom, odnosno zemljišta kojem pripada parcela označena kao k.č.br. 2088/1 dio. granica regulisana Planom obuhvata „Gradska pijaca“ Živinice. Sve navedene parcele se nalaze u katastarskoj Općini K.O. Živinice Grad, općina Živinice. Granice obuhvata date su na grafičkom prilogu ovog Projekta. Površina obuhvata iznosi p=5.304,00 m²

Član 3.

Urbanistički projekat sadrži:

Opšta dokumentacija

- Rješenje – Ovlaštenje „STILPROJEKT“ d.o.o. za izradu detaljnih planskih dokumenata,
- Aktuelni izvod iz sudskog registra – „STILPROJEKT“ d.o.o. Zavidovići
- Aktuelni izvod iz sudskog registra – „ATRIUS PROJEKT“ d.o.o. Živinice
- Uvjerenje o upisu u Jedinstveni registar poreznih obveznika – „STILPROJEKT“ d.o.o.
- Uvjerenje o poreznoj registraciji – „STILPROJEKT“ d.o.o.
- Uvjerenje o upisu u Jedinstveni registar poreznih obveznika – „ATRIUS PROJEKT“ d.o.o.

- Uvjerenje o poreznoj registraciji – „ATRIUS PROJEKT“ d.o.o.
- Uvjerenje o položenom stručnom ispitu – Nina Smajić, dipl. ing. arh.
- Uvjerenje o položenom stručnom ispitu – Husein Čurić, dipl. ing. arh.
- Uvjerenje o položenom stručnom ispitu – Dario Đonlić, dipl. ing. građ.
- Uvjerenje o položenom stručnom ispitu – Vedran Labendž, dipl. ing. građ.
- Uvjerenje o položenom stručnom ispitu – Amir Dedić, dipl. ing. građ.
- Licence o korištenju informatičkog programa – „STILPROJEKT“

ODLUKA o pristupanju izradi Urbanističkog projekta „Gradska pijaca“ Živinice

PROJEKTNII PROGRAM za izradu Urbanističkog projekta „Gradska pijaca“ Živinice

ODLUKA O PROVOĐENJU Urbanističkog projekta „Gradska pijaca“ Živinice-PRIJEDLOG.

- KOPIJA KATASTARSKOG PLANA
- PREPIS POSJEDOVNOG LISTA
- ZEMLJIŠNOKNJIŽNI IZVADAK

a. Tekstualni dio:

- a.1. Izvod iz teksta Regulacionog plana „RIBA“ Živinice
- a.2. Obrazloženje rješenja
- a.3. Obrazloženje parternog rješenja
- a.4. Obrazloženje Idejnog projekta objekata u zoni obuhvata
- a.5. Orjentacioni predračun uređenja građevinskog zemljišta
- a.6. Orjentacioni predračun izgradnje Objekta
- a.7. Brojčani prostorni pokazatelji korištenja i uređenja građevinske parcele
- a.8. Izvod iz Odluke o provođenju Regulacionog plana „RIBA“ Živinice
- a.9. Odluka o usvajanju URBANISTIČKOG PROJEKTA „GRADSKA PIJACA“

b. Grafički dio:

URBANISTIČKI DIO

- b.1. Izvod iz Regulacionog plana „Riba“ – Živinice MJ 1:500
- b.2. Situacija – postojeće stanje MJ 1:500
- b.3. Situacija – namjena površina MJ 1:500
- b.4. Situacija – saobraćajno rješenje MJ 1:500
- b.5. Situacija – plan regulacije MJ 1:500
- b.6. Situacija – plan nivelacije MJ 1:500
- b.7. Situacija – razmjestaj montažnih objekata MJ 1:500
- b.8. Situacija druge faze uređenja – natkrivanje kompleksa MJ 1:500
- b.9. Poprečni profili MJ 1:250
- b.10. Situacija – hidrantske mreže MJ 1:500
- b.11. Situacija – razvod vode MJ 1:500
- b.12. Situacija – fekalna kanalizacija MJ 1:500
- b.13. Situacija – oborinska kanalizacija MJ 1:500
- b.14. Situacija – napajanje kompleksa električnom energijom MJ 1:500

b.15. Situacija – elektroinstalacije MJ 1:500

MONTAŽNI OBJEKTI:

- b.16. Montažni objekat tip kontejner- WC MJ 1:100
b.17. Montažni objekat tip kontejner – Magacin, Administracija MJ 1:100
b.18. Montažni objekat tip Boks ; Kiosk ; Tezga MJ 1:100
b.19. 3D prikaz – Gradska pijaca I FAZA
b.20. 3D prikaz – Gradska pijaca sa natkrivanjem II FAZA

Član 4.

Za realizaciju „Projekta“ nadležni su Služba za prostorno planiranje i komunalne poslove i ostale nadležne službe za uređenje područja općine Živinice.

Član 5.

Izmjena granica između posjeda ne može se vršiti bez saglasnosti vlasnika građevinskih parcela.

Član 6.

Original dokument PRIJEDLOG O USVAJANJU URBANISTIČKOG PROJEKTA „GRADSKA PIJACA“ Živinice, u analognom i digitalnom obliku, kojeg je donijelo općinsko vijeće Živinica i potpisao predsjedavajući, čuva se u arhivi općinskog vijeća općine Živinice i arhivi Službe za prostorno planiranje i komunalne poslove, općina Živinice.

Sastavni dio originalnog dokumenta je Odluka o usvajanju URBANISTIČKOG PROJEKTA „GRADSKA PIJACA“ Živinice

Jedan primjerak Urbanističkog projekta „Gradska pijaca“ Živinice u analognom i digitalnom obliku nalazi se na stalnom javnom uvidu u Službi za prostorno planiranje i komunalne poslove, općina Živinice.

Jedan primjerak Urbanističkog projekta „Gradska pijaca“ Živinice, u analognom i digitalnom obliku, nalazi se i čuva se u arhivi Službe za prostorno planiranje i komunalne poslove, općina Živinice.

Jedan primjerak Urbanističkog projekta „Gradska pijaca“ Živinice, u analognom i digitalnom obliku, nalazi se i čuva se u arhivi „STIL PROJEKT“ d.o.o. Zavidovići.

Elektronska verzija Urbanističkog projekta je postavljena na web stranici općine Živinice

Član 7.

Ova odluka stupa na snagu od dana objavljivanja u „Službenom glasniku“ općine Živinice.

PREDSJEDAVAJUĆI OPĆINSKOG VIJEĆA

Nail Jusić, s.r.

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj:01/3-05-312-1/2019
Dana:24.01.2019.godine

Na osnovu člana 22.,23.,25. i 26. Zakona o prostornom planiranju i korištenju zemljišta na nivou Federacije BiH („Službene novine Federacije BiH“, broj 2/06., 72/07., 32/08., 4/10., 13/10. i 45/10.) člana 37.,38.,40.,41.,42.,43.,44.,45.,46.,47.,48., i 49. . Zakona o prostornom uređenju i građenju („Službene novine TK“, broj 6/11.) i člana 69.,70.,71., i 72. uredbе o jedinstvenoj metodologiji za izradu planskih dokumenata („Sl. Novine Federacije BiH“ broj: 63/04, 50/07, i 84/10) i člana 24. tačka 5. Statuta Općine Živinice („Sl. Glasnik Općine Živinice“, broj: 4/2012) i na osnovu Odluke o pristupanju izradi Urbanističkog projekta „Gradska pijaca“ Živinice, donesene na sjednici Općinskog vijeća Živinice dana 29.03.2018. godine, Općinsko vijeće na svojoj sjednici od_24.01.2019. godine donosi:

ODLUKU

O PROVOĐENJU URBANISTIČKOG PROJEKTA „GRADSKA PIJACA“ ŽIVINICE

I OPŠTE ODREDBE

Član 1.

Donosi se odluka o provođenju URBANISTIČKOG PROJEKTA „GRADSKA PIJACA“ ŽIVINICE (u daljem tekstu „Urbanistički Projekat“).

Član 2.

Ovom odlukom utvrđuju se uslovi korištenja, uređenja i zaštite prostora na zemljištu obuhvaćenim Urbanističkim projektom, odnosno zemljišta kojem pripada parcela označena kao k.č.br. 2088/1 dio. granica regulisana Planom obuhvata „Gradska pijaca“ Živinice.
Sve navedene parcele se nalaze u katastarskoj Općini K.O. Živinice Grad, općina Živinice.
Granice obuhvata date su na grafičkom prilogu ovog Urbanističkog projekta.
Površina parcele iznosi p=5.304,00 m²

Član 3.

Granice obuhvata su definisane i prelomnim tačkama u državnom koordinatnom sistemu a iste su date u sljedećoj tabeli:

	y	x
G1	6552213,00	4922749,30
G2	6552223,85	4922755,55
G3	6552244,17	4922760,72
G4	6552264,89	4922766,94
G5	6552280,95	4922744,56
G6	6552297,20	4922714,18
G7	6552282,06	4922705,78
G8	6552275,56	4922708,66
G9	6552253,77	4922695,70
G10	6552244,27	4922685,12

Član 4.

Urbanistički projekat sadrži:

c. Tekstualni dio:

- a.1. Izvod iz teksta Regulacionog plana „RIBA“ Živinice
- a.2. Obrazloženje rješenja
- a.3. Obrazloženje parternog rješenja
- a.4. Obrazloženje Idejnog projekta objekata u zoni obuhvata
- a.5. Orjentacioni predračun uređenja građevinskog zemljišta
- a.6. Orjentacioni predračun izgradnje Objekata
- a.7. Brojčani prostorni pokazatelji korištenja i uređenja građevinske parcele
- a.8. Izvod iz Odluke o provođenju Regulacionog plana „RIBA“ Živinice
- a.9. Odluka o usvajanju URBANISTIČKOG PROJEKTA „GRADSKA PIJACA“

d. Grafički dio:

URBANISTIČKI DIO

- b.1. Izvod iz Regulacionog plana „Riba“ – Živinice MJ 1:500
- b.2. Situacija – postojeće stanje MJ 1:500

b.3.	Situacija – namjena površina	MJ 1:500
b.4.	Situacija – saobraćajno rješenje	MJ 1:500
b.5.	Situacija – plan regulacije	MJ 1:500
b.6.	Situacija – plan nivelacije	MJ 1:500
b.7.	Situacija – razmještaj montažnih objekata	MJ 1:500
b.8.	Situacija druge faze uređenja – natkrivanje kompleksa	MJ 1:500
b.9.	Poprečni profili	MJ 1:250
b.10.	Situacija – hidrantske mreže	MJ 1:500
b.11.	Situacija – razvod vode	MJ 1:500
b.12.	Situacija – fekalna kanalizacija	MJ 1:500
b.13.	Situacija – oborinska kanalizacija	MJ 1:500
b.14.	Situacija – napajanje kompleksa električnom energijom	MJ 1:500
b.15.	Situacija – elektroinstalacije	MJ 1:500

MONTAŽNI OBJEKTI:

b.16.	Montažni objekat tip kontejner- WC	MJ 1:100
b.17.	Montažni objekat tip kontejner – Magacin, Administracija	MJ 1:100
b.18.	Montažni objekat tip Boks ; Kiosk ; Tezga	MJ 1:100
b.19.	3D prikaz - Gradska pijaca	I FAZA
b.20.	3D prikaz - Gradska pijaca sa natkrivanjem	II FAZA

II ODREDBE ZA PROVOĐENJE URBANISTIČKOG PROJEKTA

a. Namjena površina objekta

Član 5.

Područje obuhvata Urbanističkog projekta sastoji se od površina sljedećih namjena:

- Zatvorene površine za potrebe montažnih objekata
- Otvorene površine za pješake,
- Otvorene površine za saobraćaj u kretanju-dostavna saobraćajnica,
- Otvorena površina za fontanu-česmu.

Navedene površine prikazane su u grafičkim dijelovima Urbanističkog projekta.

Montažni objekti bit će preciznije definirani tokom izrade glavnog i izvedbenog projekta Gradske pijace.

Otvoreni prostori bit će detaljno obrađeni kroz projekat vanjskog uređenja.

Red br.	Površina prema namjeni	Površina m2	Struktura %
1.	Površina pod montažnim objektima	843,00	23,19
2.	Površina za postavljanje pijačnih stolova	270,00	7,42
3.	Površina za privremeno odlaganje organskog otpada	18,00	0,49
4.	Saobraćajne površine	2.476,00	68,11
a/	Kolski saobraćaj	868,00	23,87
b/	Manipulativni platoi, popločane pješačke površine.	1.608,00	44,23
5.	Površina oko fontane	3,00	0,08
6.	Zelena površina	25,00	0,68
	UKUPNO:	3.635,00	

b. Režim gradnja i uređenja prostora

Član 6.

Za realizaciju Urbanističkog projekta nadležni su Služba za stambeno-komunalne i urbanističke poslove i ostale nadležne Službe za uređenje područja općine Živinice.

Član 7.

Urbanističkim projektom predviđeno je:

I faza

- Izgradnja montažnih objekata veličine 3,0x4,0 m, kom. 7
- Izgradnja montažnih objekata (Boks) veličine 3,0x3,0 m, kom. 8
- Izgradnja montažnih objekata (kiosk-boks) veličine 2,0x3,0 m, kom. 53
- Izgradnja montažnih objekata (boks) veličine 2,5x2,0 m, kom. 53
- Izgradnja montažnih objekata (administracija i skladišni prostor) kom. 4
- Postavljanje pijačnih tezgi i vitrina veličine 1,0x2,0 m, kom. 45
- Izgradnja sanitarnog čvora

II faza

- Izgradnja fontane,
- Izgradnja krovne konstrukcije za pokrivanje potpunog prostora pijace.

Član 8.

Na području obuhvata Urbanističkog dozvoljena je izgradnja privremenih objekata u smislu Zakona o prostornom uređenju.

Bespravne objekte u zoni obuhvata će ukloniti Investitori o sopstvenom trošku u roku koji odredi nadležna općinska služba.

Član 9.

Za eventualne intervencije na postojećim objektima u obuhvatu Urbanističkog projekta u postupku izdavanja urbanističke saglasnosti, Investitor je dužan izraditi idejne projekte za tražene intervencije i dostaviti nadležnoj općinskoj službi na saglasnost.

Član 10.

Sa aspekta seizmičnosti, konstrukciju planiranih objekata treba prilagoditi VIII stepenu MCS skale.

Član 11.

Izgradnja objekta i uređenje prostora vršit će se nakon realizacije primarne mreže infrastrukture, a u skladu sa usvojenim Urbanističkim projektom i Glavnim projektom „Gradske pijace“ Živinice.

Član 12.

Lokacijskom informacijom, odnosno urbanističkom saglasnošću budućim Investitorima usloviti izradu Idejnog projekta „Gradske pijace“ na koje Služba za prostorno uređenje i zaštitu okoline Općine Živinice daje saglasnost.

Član 13.

Za izdavanje odobrenja za građenje Investitor je dužan priložiti Glavni projekat „Gradske pijace“ i Glavni projekat vanjskog uređenja pripadajućeg kompleksa i drugu dokumentaciju na osnovu Zakona o prostornom uređenju i građenju Tuzlanskog kantona. Glavni projekat vanjskog uređenja uskladiti sa uslovima propisanim ovim Urbanističkim projektom.

Član 14.

Prije izrade Glavnog projekta na lokaciji potrebno je izvršiti detaljna geomehanička ispitivanja, za potrebe utvrđivanja egzaktnih geotehničkih karakteristika podtemelnog tla (aluvijalni nanos – glina, pijesak, šljunak sa muljevitim proslojcima), te definisanja tačne dubine i načina fundiranja planiranih objekata, koji treba biti prilagođen definisanim lokalnim geološko-geomehaničkim uslovima, za potrebe izrade nadstrešnice u II fazi.

Član 15.

Preduslovi za izgradnju objekata u obuhvatu Urbanističkog projekta su:

Izgradnja primarnih prilaznih i servisnih saobraćajnica (ulica) unutar područja obuhvata kompleksa.

Glavni ulaz je planiran sa jugozapadne strane iz prve ulice preko pristupne saobraćajnice. Pješачki ulaz je predviđen preko kapija sa sjeverne, sjeveroistočne, jugoistočne kapije.

Član 16.

Servisnu saobraćajnicu projektovati za jednosmjerni kolski saobraćaj sa završnom obradom od asfalt betona, oivičenim betonskim kolovoznim ivičnjakom vel. 18/24 cm.

c. Mjere zaštite od požara*Član 19.*

U cilju zaštite od požara u obuhvatu Urbanističkog projekta, planirana je izgradnja vanjske hidrantske mreže, a koja je prikazana u grafičkom prilogu – Situacija hidrantske mreže, u razmjeri 1:500

Član 20.

Projekat za izvođenje „Gradske pijace“ mora sadržavati mjere zaštite od požara, a u skladu sa Zakonom o zaštiti od požara.

d. Mjere zaštite okoliša*Član 21.*

Objekti u obuhvatu Urbanističkog projekta ne smiju ni na koji način ugrožavati čovjekovu okolinu, odnosno njene prirodne i izgrađene vrijednosti, niti biti takvog štetnog uticaja za sredinu koji bi prevazišao mjeru dozvoljenu propisima.

e. Uslovi izgradnje i uređenja prostora i Objekta*Član 22.*

Služba za stambeno-komunalne poslove na osnovu usvojenog Urbanističkog projekta može izdati lokacijsku informaciju za izgradnju kompletne Gradske pijace sa pripadajućim vanjskim uređenjem terena, a Rješenje o odobrenju za građenje može se izdavati za faznu realizaciju ovog Urbanističkog projekta.

Izgradnja se može podijeliti u sljedeće faze:

I faza

- Izgradnja montažnih objekata veličine 3,0x4,0 m, kom. 7
- Izgradnja montažnih objekata (Boks) veličine 3,0x3,0 m, kom. 8
- Izgradnja montažnih objekata (kiosk-boks) veličine 2,0x3,0 m, kom. 53
- Izgradnja montažnih objekata (boks) veličine 2,5x2,0 m, kom. 53
- Izgradnja montažnih objekata (administracija i skladišni prostor) kom. 4
- Postavljanje pijačnih tezgi i vitrina veličine 1,0x2,0 m, kom. 45
- Izgradnja sanitarnog čvora.

II faza

- Izgradnja fontane,
- Izgradnja krovne konstrukcije za pokrivanje kompletnog prostora pijace.

Za pripreme radove nije potrebno raditi posebnu tehničku dokumentaciju i odobrenje za izvođenje ovih radova može se izdati na osnovu Lokacijske informacije, a radove treba izvoditi stručno i uz primjenu odgovarajućih propisa i mjera zaštite na radu.

Izgradnja „Gradske pijace“ bit će izvođena na osnovu Glavnog i Izvedbenog projekta.

Montažno-demontažni objekti, prema potrebi mogu mijenjati položaj i namjenu u sklopu predloženog bloka, naspram ukazanih potreba korisnika.

Član 23.

Na montažnim objektima su predviđeni kosi jenodvodni krovovi sa pokrivačem od trapezno-profilisanog lima. U drugoj fazi je predviđena izgradnja nadstrešnice preko čitavog kompleksa sa pokrivačem od trapezno profilisanog lima.

Član 24.

U završnim obradama potrebno je predvidjeti postojane suvremene materijale koji garantuju dugotrajnost i svojim izgledom odražavaju karakter i namjenu kompleksa.

Član 25.

Vanjsku vodovodnu i hidrantsku mrežu od mjesta priključka izvesti od PEHD cijevi potrebnog prečnika definisanim prema prethodno provedenom hidrauličkom proračunu koji je obavezan za izradu dokumentacije na nivou Glavnog projekta.

Trase svih planiranih vodovoda polagati bankinom ili ispod trotoara planiranih saobraćajnica. Takođe je potrebno voditi računa da ne dođe do kolizije sa drugim projektovanim i postojećim instalacijama.

Sva mjesta cjevovoda izložena posebnim opterećenjima i naprezanjima kod prolaska ispod saobraćajnica potrebno je posebno zaštititi odgovarajućom zaštitom čeličnom cijevi.

Član 26.

Zaštitu objekata od požara koji se gasi vodom, na vanjskoj vodovodnoj mreži predvidjeti izradom nadzemnih ili eventualno podzemnih hidranata Ø 110 mm na propisanoj međusobnoj udaljenosti ne većoj od 80 m i udaljenosti od objekata koji se štite ne manjoj od 5 m.

Vanjsku hidrantsku mrežu izvan pojedinačnih kompleksa izvoditi obavezno od PEHD cijevi, dok za unutar kompleksa materijal za cijevi može biti po izboru koji će kavalitetom zadovoljiti tehničke propise i standarde tražene namjene.

Član 27.

Fekalnu kanalizaciju izvesti kao separatnu po granatom sistemu od nekoliko zasebnih sabirnih priključnih kolektora koji se izvode od betonskih i od PE – rebrastih kanalizacionih cijevi, sa izlivom putem glavnog gradskog kolektora.

Član 28.

Kišnu kanalizaciju izvesti po separatnom sistemu, takođe do betonskih i PE rebrastih kanalizacionih cijevi, dispoziciono razmještenim, tako da se putem uličnih slivnika omogući optimalno prikupljanje kišnice sa svih kolskih, pješačkih i drugih uređenih površina sa kompleksa.

Član 29.

Vanjsku elektroenergetsku i TT mrežu izvesti prema uslovima koje propisuju nadležno javno preduzeće, a javnu rasvjetu oko objekata u skladu sa projektima uređenja okolnog terena. Kod izgradnje elektroenergetske mreže i javne rasvjete oko objekata pridržavati se Pravilnika o tehničkim normativima za izgradnju nadzemnih elektroenergetskih vodova.

Član 30.

Projekcijom izgradnje i uređenja prostora zadržana je 1 (jedna) građevinska parcela površine 5.304,00 m², a granica ubuhvata Urbanističkog projekta iznosi 3.635,00 m².

III PRELAZNE I ZAVRŠNE ODREDBE*Član 31.*

Ova odluka stupa na snagu danom donošenja, a bit će objavljena u „Službenom glasniku“ Općine Živinice.

PREDSJEDAVAJUĆI OPĆINSKOG VIJEĆA

Nail Jusić, s.r.

Bosna i Hercegovina
Federacija Bosne i Hercegovine
TUZLANSKI KANTON
OPĆINA ŽIVINICE
- Općinsko vijeće-
Broj:01/3-05-316/19
Dana:24.01.2019.godine

Općinsko vijeće Živinice postupajući po zahtjevu Muhić Ramiza sina Husejna iz Živinica, u predmetu ispravke greške u Rješenju Opštinskog vijeća Živinice br. 05/1-475-62 od 02.12.1998. god., na osnovu člana 13. Zakona o principima lokalne samouprave Federacije BiH (Sl. Novine Federacije BiH br. 49/06), člana 24. Statuta Općine Živinice (Sl.glasnik Općine Živinice“ br. 4/12) i člana 218 i člana 217 Zakona o upravnom postupku Federacije BiH (Sl.novine Federacije BiH br. 2/98 i 48/99), na sjednici održanoj dana 24.01.2019.godine donosi sljedeći

ZAKLJUČAK

I.- Ispravlja se greška u u Rješenju Opštinskog vijeća Živinice br. 05/1-475-62 od 02.12.1998. godine na način da se u svim dijelovima rješenja
- **umjesto** teksta koji glasi: Muhić Ramiz sin Huse
upisati tekst koji glasi **Muhić Ramiz sin HUSEJNA.**

II- Ovaj zaključak je sastavni dio Rješenja navedenog u tački I dispozitiva i ova ispravka ima pravno dejstvo od dana kada pravno dejstvo ima i Rješenje koje se ispravlja.

III- Ostali dio rješenja ostaje nepromijenjen.

O b r a z l o ž e n j e

Dana 17.12.2018. god. Službi za urbanističko planiranje, komunalne, geodetske i imovinsko pravne poslove Općine Živinice zahtjev za ispravku greške u katastarskom operatu podnio je Muhić Ramiz sin Husejna iz Živinica. Podnositelj je u svom zahtjevu naveo da traži ispravku imena oca te da se u katastarskom operatu umjesto imena Muhić Huse Ramiz upiše Muhić Husejna Ramiz, kako je navedeno u matičnoj evidenciji.

Uz svoj zahtjev je priložio Izvod iz matične knjige rođenih br. 02/6-13-6415/2015 od 09.03.2015. god., ličnu kartu br. 10CEG4540 izdata 16.06. 2010. god. od MUP TK Živinice, prepis posjedovnog lista br. 06-30-2110/2006 od 27.2.2006. god.

Postupajući po navedenom zahtjevu, nadležna služba je pribavila posjedovni list 5315 K.O. Živinice Grad u kojem je kao nositelj prava upisan Muhić Huse Ramiz, a uvidom u stavku promjena 60/1999 utvrđeno je da je upis prava na predmetnoj nekretnini izvršen na osnovu Rješenja Opštinskog vijeća Živinice br. 05/1-475-62 od 02.12.1998.god, gdje je navedeno da se Muhić Ramizu sinu Huse iz Živinica dodjeljuje gradsko građevinsko zemljište označeno kao k.č. br. 80/135(s.p. k.č.961/9) K.O. Živinice Grad.

U toku postupka od Službe za opću upravu, društvene djelatnosti, boračko invalidsku zaštitu i raseljene osobe pribavljen je Izvod iz matične knjige rođenih br. 02/9-13-35892/18 od 20.12.2018. god. i Uvjerenje br.02/9-13-35893/18 od 20.12.2018. god

Iz provedenog dokaznog postupka utvrđeno je sljedeće činjenično stanje:

Uvidom u Rješenje br. 05/1-475-62 od 02.12.1998.god utvrđeno je da je navedeno Rješenje donijelo Opštinsko vijeće Živinice, te da je u dispozitivu Rješenja kao i u ostalim dijelovima rješenja greškom upisano ime oca nosioca prava dodijeljenog zemljišta označenog kao k.č. br. 80/135 K.O.Živinice Grad gdje je navedeno ime Muhić Ramiz sin Huse, a treba da stoji Muhić Ramiz sin Husejna.

Uvidom u Izvod iz matične knjige rođenih br. 02/9-13-35892/18 od 20.12.2018 godine koja se vodi za mjesto Tupković Gornji pod rednim brojem 20 za 1963 godinu, ustanovljeno je da je izvršen upis činjenice rođenja za osobu Muhić Ramiz sin Husejna. Na osnovu Uvjerenja Službe za opću upravu, društvene djelatnosti, boračko-invalidsku zaštitu i raseljene osobe br. 02/9-13-35893/18 od 20.12.2018. god ustanovljeno je da osoba Muhić Ramiz sin Huse ne postoji, tj. da nije upisan u matičnu knjigu rođenih.

Na osnovu naprijed navedenog i brižljivih ocjena svih dokaza, u smislu člana 9 Zakona o upravnom postupku FBiH i imajući u vidu ovako utvrđeno činjenično stanje, kao stav upravne prakse da se greške u dispozitivu rješenja koje su tehničke naravi i koje su očita netačnost npr. greška u imenima ili brojevima, pisanju ili računanju kao i druge očite netačnosti, bilo da je takva greška unesena u rješenju ili je greškom nešto izostavljeno, mogu ispraviti u svako vrijeme, jer nije ograničeno rokom, iz kojeg razloga je Općinsko vijeće Živinice utvrdilo da je zahtjev Stranke osnovan, te je zaključila kao u dispozitivu, primjenjući odredbe člana 217. Zakona o upravnom postupku FBiH koji propisuje da organ koji je donio rješenje, odnosno službena osoba koja je potpisala ili izdala rješenje, može u svako vrijeme da ispravi greške u imenima ili brojevima, pisanju ili računanju, kao i druge očigledne netačnosti u rješenju ili njegovim ovjerenim prepisima. Ispravka greške proizvodi pravni učinak od dana od koga proizvodi učinak rješenje koje se ispravlja.

Obzirom da je u gore navedenom Rješenju pogrešno navedeno ime oca nositelja prava na nekretnini, utvrđeno je da se radi o grešci koju je Općinsko vijeće moralo ispraviti donoseći zaključak kao u dispozitivu, smatrajući da bi pri tome svaka druga odluka bila pravno neodrživa i ne bi mogla egzistirati.

Pouka o pravnom lijeku :

Ovaj zaključak je konačan u upravnom postupku i protiv njega se ne može izjaviti žalba, ali se može pokrenuti upravni spor podnošenjem tužbe Kantonalnom sudu u Tuzli u roku od 30. dana od dana prijema zaključka. Tužba se podnosi neposredno sudu.

Službeno lice

Bajro Bešić, dipl. pravnik

Dostaviti :

1. Muhić(Husejn)Ramiz, Bosanska C-25 Živinice
2. Službeni glasnik Općine Živinice
3. Općinsko vijeće Živinice
4. Služba za urbanističko planiranje, komunalne, geodetske i imovinsko pravne poslove (Odsjek za geodetske i imovinsko pravne poslove)
5. a/a

Predsjedavajući Općinskog vijeća

Nail Jusić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj: 06-05-311-1/2019
Dana, 24.01.2019. godine

Na osnovu člana 24. Statuta općine Živinice - prečišćeni tekst ("Službeni glasnik Općine Živinice", broj 4/18), člana 103. Poslovnika o radu Općinskog vijeća Živinice ("Službeni glasnik općine Živinice", broj 3/17), Općinsko vijeće Živinice, na sjednici održanoj dana 24.01.2019. godine, razmatrajući tačku dnevnog reda - Razmatranje zahtjeva MZ Šahići radi utvrđivanja trase i sanacije puta u MZ Šahići preko zemljišta RMU Đurđevik, donosi

ZAKLJUČAK

I

1. Da Općinsko vijeće formira radnu grupu koja bi se sastojala od nekoliko vijećnika, načelnika, predsjedavajućeg Općinskog vijeća, predsjednika Savjeta MZ, predstavnika Rudnika i Federalnog inspektora rudarstva koja bi izašla na lice mjesta, utvrdila problem i predložila njegovo rješavanje.
2. Zadužuje se Služba za prostorno planiranje da iznađe rješenje za trajnu uspostavu putne komunikacije za MZ Šahiće, i
3. Zadužuje se Općinski načelnik da sa predsjedavajućim Općinskog vijeća upriliči sastanak sa upravom Elektroprivrede po pitanju problema u MZ Šahići.
- rok 30 dana.

II

Zaključci stupaju na snagu danom donošenja i objavit će se u Službenom glasniku Općine Živinice.

PREDSJEDAVAJUĆI
OPĆINSKOG VIJEĆA

Nail Jusić, s.r.



**Pravilnik o provođenju intervjua/razgovora sa kandidatima pri zapošljavanju
u organu uprave u Općini Živinice**

juni/lipanj 2017.

Na osnovu člana 15 Zakona o principima lokalne samouprave ("Službene novine Federacije BiH" broj 49/06), člana 38. Statuta Općine Živinice („Službeni glasnik Općine Živinice“, broj: 04/12 i 11/13) i Memoranduma o saradnji između Općine Živinice i Udruženja "Centar za razvoj medija i analize" (CRMA) broj: 01/2-05-89-526/17 od 29.03.2017. godine, Općinski načelnik Općine donosi

Pravilnik o provođenju intervjua/razgovora sa kandidatima pri zapošljavanju u organu uprave u Općini Živinice

I. OSNOVNE ODREDBE

**Član 1.
(Predmet)**

Pravilnik o provođenju intervjua/razgovora sa kandidatima pri zapošljavanju u organu uprave u Općini Živinice (dalje: Pravilnik) reguliše način provođenja usmenog intervjua/razgovora i odabir kandidata u proceduri zapošljavanja državnih službenika i namještenika u organu uprave u Općini Živinice.

**Član. 2
(Ravnopravnost spolova)**

Gramatički izrazi upotrijebljeni u ovom Pravilniku za označavanje muškog ili ženskog roda podrazumijevaju oba spola.

**Član 3.
(Cilj)**

Cilj ovog Pravilnika je osiguranje principa objektivnosti, nepristrasnosti i transparentnosti u proceduri provođenja intervjua/razgovora i odabira kandidata po javnom konkursu/oglasu za zasnivanje radnog odnosa u organu uprave u Općini Živinice.

**Član 4.
(Lica koja učestvuju u proceduri intervjua/razgovora)**

Odgovorno lice za provođenje intervjua/razgovora je Općinski načelnik.

Intervjuu/razgovoru prisustvuje jedan predstavnik Mreže organizacija civilnog društva za borbu protiv korupcije (ACCOUNT) i jedan ili više državnih službenika/namještenika zaposlenih u organu uprave u Općini Živinice a koje odredi Općinski načelnik.

Lica iz ovog člana učestvuju u postupku provođenja intervjua/razgovora sa ciljem da se osigura maksimalna nepristrasnost, objektivnost i transparentnost postupka.

II. NAČIN PROVOĐENJA INTERVJUA/RAZGOVORA

**Član 5.
(Zakazivanje intervjua/razgovora i pozivanje kandidata)**

Na intervju/razgovor pozivaju se kandidati koji ispunjavaju uslove tražene javnim

konkursom/oglasom za zasnivanje radnog odnosa u organu uprave u Općini Živinice, putem zvanične web stranice Općine Živinice ili telefonskim putem, ili na drugi način koji obezbeđuje dokaz da je kandidat obaviješten o terminu održavanja intervjua/razgovora.

Član 6. (Pitanja za intervju/razgovor)

Pitanja kandidatima u toku intervjua/razgovora mogu se odnositi na pitanja iz oblasti opšteg znanja i komunikacijskih sposobnosti kandidata, kao i pitanja o sadržaju i organizaciji poslova radnog mjesta za koje je raspisan javni konkurs/oglas, odnosno za koje je kandidat dostavio prijavu.

Za svrhu osiguranja jednakog položaja kandidata, odabir pitanja za kandidate tokom intervjua/razgovora, određuje Općinski načelnik.

Član 7. (Intervju/razgovor)

Nakon predstavljanja, svaki kandidat potpisuje izjavu da nema funkciju u izvršnim organima političke partije ili organizacije koja je povezana sa političkom partijom, da se ne nalazi u srodničkom odnosu u pravoj liniji krvnog srodstva neograničeno i pobočnoj liniji krvnog srodstva do četvrtog stepena (uključivo sa četvrtim stepenom) uključujući i njihove bračne/vanbračne partnere, da se ne nalazi u tazbinskom srodstvu do drugog stepena, te da nije usvojitelj/usvojenik ili bračni/vanbračni partner lica iz člana 4. ovog Pravilnika. (Anex I)

Ukoliko se neki kandidat nalazi u srodničkom odnosu u pravoj liniji krvnog srodstva i pobočnoj liniji krvnog srodstva do četvrtog stepena (uključivo sa četvrtim stepenom) uključujući i njihove bračne/vanbračne partnere, te da je usvojitelj/usvojenik ili bračni/vanbračni partner sa Općinskim načelnikom, u tom slučaju (za tog kandidata), vođenje intervjua/razgovora vodi državni službenik/namještenik kojeg odredi Općinski načelnik, vodeći se principima nepristrasnosti.

Ukoliko se neki kandidat nalazi u srodničkom odnosu u pravoj liniji krvnog srodstva i pobočnoj liniji krvnog srodstva do četvrtog stepena (uključivo sa četvrtim stepenom) uključujući i njihove bračne/vanbračne partnere, te da je usvojitelj/usvojenik ili bračni/vanbračni partner sa drugim licem iz člana 4., Općinski načelnik će, u tom slučaju (za tog kandidata), vođenje intervjua/razgovora sa kandidatom, obaviti bez prisustva tog državnog službenika/namještenika ili uz prisustvo drugog državnog službenika/namještenika kojeg odredi Općinski načelnik, vodeći se principima nepristrasnosti.

Član 8. (Transparentnost postupka)

Općinski načelnik dužan je osigurati prisutvo lica iz člana 4. i uslove za obavljanje postupka shodno odredbama ovog Pravilnika, vodeći računa o ukupnom broju pitanja kako pojedini kandidati ne bi bili dovedeni u povoljniji položaj, s obzirom na mogućnost ponavljanja pitanja.

Obaveza Općinskog načelnika je da vodi računa o zaštiti ličnih podataka, u skladu sa zakonom.

Član 9.
(Pitanja koja ne treba postavljati)

Prilikom intervjua ne mogu se postavljati pitanja koja se odnose na: etničku pripadnost, nacionalno ili socijalno porijeklo, entitetsko državljanstvo, religiju i religijska ubjeđenja, veze s nacionalnom manjinom, politička i druga lična uvjerenja, spol, odnosno seksualnu orijentaciju, rasu, boju kože, rođenje, bračni status, porodično planiranje, starosnu dob, imovinsko stanje, hendikepiranost, porodične relacije, društveni položaj, članstvo u sindikatu ili drugom udruženju.

Pitanja iz stava (1) ovog člana ne uključuju pitanja koja imaju veze sa profesionalnim statusom, radnim iskustvom ili stažom.

Član 10.
(Odabir kandidata)

Po okončanju intervjua/razgovora sa kandidatima Općinski načelnik odlučuje o prijemu kandidata u radni odnos.

Član 11.
(Okončanje postupka)

Općinski načelnik, u skladu sa zakonom i drugim aktima na snazi, donosi rješenje o postavljenju/imenovanju državnog službenika/namještenika.

III. PRELAZNE I ZAVRŠNE ODREDBE

Član 12.
(Stupanje na snagu)

Ovaj Pravilnik stupa na snagu danom donošenja i objavit će se u Službenom glasniku Općine Živinice.

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinski načelnik
Broj: 01/2-05-89-1138/17
Datum: 02.06.2017.

Općinski načelnik
dr.sc. Samir Kamenjaković

Anex I



Datum:

Predmet: Izjava o nepristrasnosti u okviru provođenju usmenog intervjua/razgovora i bodovanju kandidata pri zapošljavanju u organu uprave u Općini Živinice

Izjava o nepristrasnosti kandidata

Ja, _____ (ime i prezime), ovim putem potvrđujem, da nemam funkciju u izvršnim organima političke partije ili organizacije koja je povezana sa političkom partijom, da se ne nalazim u srodničkom odnosu u pravoj liniji krvnog srodstva neograničeno i pobočnoj liniji krvnog srodstva do četvrtog stepena (uključivo sa četvrtim stepenom) uključujući i njihove bračne/vanbračne partnere, da se ne nalazim u tazbinskom srodstvu do drugog stepena, te da nisam usvojitelj/usvojenik ili bračni/vanbračni partner lica koja učestvuju u provođenju procedure intervjua/razgovora u vezi sa predmetnim javnim konkursom/oglasom.

Ovu izjavu potvrđujem svojim potpisom:

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
broj:01/3-05-5240-1/2019
dana:14.02.2019.godine

Na osnovu člana 148. Poslovnika o radu Općinskog vijeća Živinice ("Službeni glasnik Općine Živinice ",broj 3/2017) u postupku vršenja ispravki štamparskih grešaka u objavljenom tekstu Programa utroška sredstava na osnovu koncesionih naknada broj 01/3-05-5240/2018 od 13.09.2018.godine,sekretar Općinskog vijeća odobrava

I S P R A V K U

greške u Programu utroška sredstava na osnovu koncesionih naknada
broj 01/3-05-5240/2018 od 13.09.2018.godine

I

Vrši se ispravka greške u Programu utroška sredstava na osnovu koncesionih naknada broj 01/3-05-5240/2018 od 13.09.2018.godine tako što se u članu 1. na strani 2. umjesto "uređenje sale za sastanke i prostora oko zgrade MZ Dubrave Donje ",piše "uređenje sale za sastanke i prostora oko zgrade MZ Dubrave Gornje".

-

II

Ispravka greške je sastavni dio Programa utroška sredstava na osnovu koncesionih naknada broj 01/3-05-5240/2018 od 13.09.2018.godine i ima pravno dejstvo od donošenja Programa.

III

Ispravku greške objaviti u "Službenom glasniku Općine Živinice".

SEKRETAR
OPĆINSKOG VIJEĆA

Suad Avdagić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
broj:01/3-05-5241-1/2019
dana:14.02.2019.godine

Na osnovu člana 148. Poslovnika o radu Općinskog vijeća Živinice ("Službeni glasnik Općine Živinice ",broj 3/2017) u postupku vršenja ispravki štamparskih grešaka u objavljenom tekstu Programa utroška sredstava na osnovu od naknade za eksploataciju šuma sa područja Općine Živinice broj 01/3-05-5241/2018 od 13.09.2018.godine sekretar Općinskog vijeća odobrava

ISPRAVKU

greške u Programu utroška sredstava na osnovu od naknade za eksploataciju šuma sa područja Općine Živinice broj 01/3-05-5241/2018 od 13.09.2018.

I

Vrši se ispravka greške u Programu utroška sredstava na osnovu od naknade za eksploataciju šuma sa područja Općine Živinice broj 01/3-05-5241/2018 od 13.09.2018. tako što se u članu 1. umjesto "asfaltiranje puta MZ Šahići -Hrastik",piše "asfaltiranje puta Jahići-Hrastik MZ Višća Gornja".

-

II

Ispravka greške je sastavni dio Programu utroška sredstava na osnovu od naknade za eksploataciju šuma sa područja Općine Živinice broj 01/3-05-5241/2018 od 13.09.2018.godine i ima pravno dejstvo od donošenja Programa.

III

Ispravku greške objaviti u "Službenom glasniku Općine Živinice".

SEKRETAR
OPĆINSKOG VIJEĆA

Suad Avdagić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
broj:01/3-05-2277-1/2019
dana:20.02.2019.godine

Na osnovu člana 148. Poslovnika o radu Općinskog vijeća Živinice ("Službeni glasnik Općine Živinice ",broj 3/2017) u postupku vršenja ispravki štamparskih grešaka u objavljenom tekstu Strategija integriranog razvoja Općine Živinice 2017-2026 ,broj 10-05-2277/2017 od 30.03.2017.godine("Službeni glasnik Općine Živinice" broj 8/17), na zahtjev Službe za lokalni ekonomski razvoj, finansije i trezor od 15.02.2019.godine, sekretar Općinskog vijeća odobrava

ISPRAVKU

greške u Strategiji integriranog razvoja Općine Živinice 2017-2026
broj: 10-05-2277/ 2017.godine od 30.03.2017.godine
("Službeni glasnik Općine Živinice "broj 8/17)

I

Vrši se ispravka greške u Strategiji integriranog razvoja Općine Živinice 2017-2026, broj 10-05-2277/2017 od 30.03.2017.godine , ("Službeni glasnik Općine Živinice"broj 8/17) tako što se na strani broj 4. drugi stav, umjesto "Vlada Švajcarske", piše "Evropska unija".Ostali dio teksta se ne mijenja.

II

Ispravka greške je sastavni dio Strategije integriranog razvoja Općine Živinice 2017-2026 , broj 10-05-2277/2017 od 30.03.2017.godine("Službeni glasnik Općine Živinice"broj 8/17) i ima pravno dejstvo od donošenja Strategije.

III

Ispravku greške objaviti u "Službenom glasniku Općine Živinice".

SEKRETAR
OPĆINSKOG VIJEĆA

Suad Avdagić,s.r.

**„Službeni glasnik Općine Živinice“
broj: 5/2019**

SADRŽAJ

I - AKTI OPĆINSKOG VIJEĆA

1. Odluka o usvajanju Urbanističkog projekta "Gradska pijaca" Živinice.....	2
2. Odluka o provođenju Urbanističkog projekta "Gradska pijaca" Živinice.....	5
3. Zaključak o ispravci greške u Rješenju općinskog vijeća Živinice br. 05/1-475-62 od 02.12.1998. godine.....	13
4. Zaključak - Razmatranje zahtjeva MZ Šahići radi utvrđivanja trase i sanacije puta u MZ Šahići preko zemljišta RMU Đurđevik.....	15

II - AKTI OPĆINSKOG NAČELNIKA

5. Pravilnik o provođenju intervjua/razgovora sa kandidatima pri zapošljavanju u organu uprave u Općini Živinice.....	16
---	----

III - AKTI SEKRETARA OPĆINSKOG VIJEĆA

5. Ispravka greške u Programu utroška sredstava na osnovu koncesionih naknada broj 01/3-05-5240/2018 od 13.09.2018. godine.....	21
6. Ispravka greške u Programu utroška sredstava na osnovu od naknade za eksploataciju šuma sa područja Općine Živinice broj 01/3-05-5241/2018 od 13.09.2018. godine.....	22
7. Ispravka greške u strategiji integriranog razvoja općine Živinice 2017-2026 broj: 10-05-2277/2017. godine od 30.03.2017. godine.....	23

**„Službeni glasnik općine Živinice“ uređuje: Stručna služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-392, ovijece@opcina-zivinice.ba**